

國家圖書館分館編

清代孤本方志選

(第一輯第十四冊) 江西 安義縣志「康熙」十卷

安義縣志序

邑之乘猶國之史也周禮
邦國之志內史掌之復有
外史以掌四方則今日郡
邑之志是已考古天子十

二年一巡朝諸侯陳詩以
觀民風而施政教則修志
之役未有曠百年不舉者
安義以邑名從明武廟剖
符迄神廟中距四十三年

始自爲志乃高公振響後
中更百年未聞有過而問
者而安義自此竟無志矣
余得捧安檄與文山晨夕
七載于茲簿書之暇輒謀

所以新之而未有間會纂
修之

令下遂與二三同志勉從
事考訂異同証鼎今昔山
川風物盡入網羅清操孤

方悉登琬琰始事于十月
之朔至十二月遂告成功
是役也周子曰泗當董狐
之寄而陳子所佳王子儻
相與左右卒業焉昔左丘

明以魯人記魯事故尼父
之春秋主于約而左氏之
傳獨詳杜征南以爲躬覽
載籍必廣記而備言之其
文緩其旨遠是書成於二

三子手其殆丘明之魯史
矣乎余竊幸百二十年垂
絕之書與余數年來未竟
之志得一旦藉手底績以
觀厥成蓋幾失之而僥得

之者至損益前志參伍他
屬署之縮汨已詳凡例
功令使然知我罪我不任受
也

出

康熙十二年歲在癸丑季

冬之望

進士文林郎知安義縣事

關中陳

璉



陳璉

安義縣志叙

志之修也昉於風俗通繼之承祿以逸才而志三國又繼之孟宣化典博而志齊諧亦各有義焉存乎其間非特文辭爾雅取快翰墨之勲蹟已也其義維何

益古者方國之風謠上之

天子太史釐正之被於管絃其一

時可歌可泣足法足傳之事無
不心焉志之夫心焉志之而不
忘是以謂之志抑心焉志之不
忘而有辭則又謂之誌也歲終

丑

今上十二載太平之書凡十上

詔下郡縣纂脩大一統志吾邑之

人士文采從不讓京國寧後地

屬余時以滇司馬左官黔中

撫軍澹餘曹公命董是役爲修

志總裁官而以都勻陳子濤鶴
清平奚子斯善副焉其於志也
已不啻青衫再濕班管重投矣
書未竣乃忽奉復官之

旨十有四載於今方過里門同譜
劉子秀升及友人周子讓灘陳

予璣王子穉士惠顧時袖全
帙相示披之則邑志也其卷十
其旨數千其文成數萬其事之
可歌可泣足法足傳者莫非取
諸心焉之志與志焉不忘之辭
洵洋洋大風哉友人俾余弁言